



Broj: 05/7-50-13-21/16

Sarajevo, 11.11.2016.

Z A P I S N I K

21. sjednice Vijeća nacionalnih manjina BiH, održane 11.11.2016.

Sjednica je počela u 12 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Jovanka Manzalović Šalaka, Jakob Finci, Vjeročka Gajić, Todorka Jovanović, Hakan Varan, Silvija Vujović, Marija Grbić, Andrija Svatok, Mladen Radmilović, Nedžad Jusić, Dejan Piotrovski, Davor Ebner, Velibor Kuvač, Dragan Marković i Halil Bicaj.

Sjednici nisu prisustvovali Eva Pašić Juhas i Tijana Vučurević.

Sjednici su, također, prisustvovali: Želimir Lalić, predstavnik Ministarstva za ljudska prava i izbjeglice Bosne i Hercegovine i Branislava Vignjević, stručna savjetnica u Zajedničkoj komisiji za ljudska prava.

Predsjedavajući Vijeća nacionalnih manjina BiH, Tihomir Knežiček otvorio je raspravu o dnevnom redu.

Dragan Marković, član Vijeća nacionalnih manjina BiH, predložio je članovima Vijeća da se pod rednim brojem 4. uvrsti nova tačka dnevnog reda koja bi glasila: Razmatranje i donošenje zaključka vezano za diskriminaciju Vijeća nacionalnih manjina u BiH i pod rednim brojem 5. tačku koja bi glasila: Aktivnosti Vijeća nacionalnih manjina do kraja 2016. godine.

Nakon rasprave u kojoj su učestvovali: Dragan Marković, Tihomir Knežiček, Andrija Svatok, Nedžad Jusić, Mladen Radmilović i Jovanka Manzalović Šalaka, članovi Vijeća su

jednoglasno prihvatili da se uvrsti nova tačka pod rednim brojem 4. koja bi glasila: Razmatranje saradnje Vijeća nacionalnih manjina sa drugim institucijama u BiH.

Što se tiče prijedloga za novu tačku koja bi bila pod rednim 5. dnevnog reda, Vijeće je sa **10 glasova „za“** odlučilo da se ta tačka ne razmatra, nego da se prijedlog člana Dragana Markovića, koji se odnosio na to da Vijeće nacionalnih manjina pripremi Izmjene i dopune Zakona o zaštiti prava pripadnika nacionalnih manjina kao i Izmjene i dopune Izbornog zakona, obavezno uvrsti u program rada Vijeća nacionalnih manjina za 2017. godinu.

Članovi Vijeća nacionalnih manjina BiH **jednoglasno su** usvojili dopunjeni

D N E V N I R E D

1. Usvajanje zapisnika sa 20. sjednice Vijeća nacionalnih manjina BiH;
2. Informacija o aktu broj: 05/7-50-13-196-17/16 od 1.7.2016. razmatranog na 30. sjednici Zajedničke komisije za ljudska prava;
3. Informacija o aktivnostima vezanim za inicijativu izmjene Zakona o zaštiti prava pripadnika nacionalnih manjina BiH;
4. Razmatranje saradnje Vijeća nacionalnih manjina sa drugim institucijama u BiH;
5. Razno:
 - Informacija o objavljivanju konkursa za dodjelu grantova za udruženja nacionalnih manjina BiH
 - Informacija o zatvaranju projekta Promocije ljudskih i manjinskih prava u jugo-istočnoj Evropi koji je finansiran od Vijeća Evrope.

Ad.1. Usvajanje zapisnika sa 20. sjednice Vijeća nacionalnih manjina BiH;

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. U raspravi je učestvovao Dragan Marković koji je tražio da se ubuduće u zapisnik navedu tačni rezultati glasanja tj. da se navede ko je bio „za“, „protiv“ i „uzdržan“.

Nakon toga članovi Vijeća nacionalnih manjina, **jednoglasno su usvojili** Zapisnik sa 20. sjednice.

Ad.2. Informacija o aktu broj: 05/7-50-13-196-17/16 od 1.7.2016. razmatranog na 30. sjednici Zajedničke komisije za ljudska prava;

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Jakob Finci, Nedžad Jusić, Dejan Piotrovski, Todorka Jovanović i Andrija Svatok.

Nakon rasprave, članovi Vijeća su sa **9 glasova „za“ i jednim „uzdržanim“** glasom, donjeli zaključak da se urade novi kriteriji koji bi se ponovo uputili Zajedničkoj komisiji za ljudska prava.

Ad.3. Informacija o aktivnostima vezanim za inicijativu izmjene Zakona o zaštiti prava pripadnika nacionalnih manjina BiH;

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. U raspravi su sudjelovali: Želimir Lalić, predstavnik Ministarstva za ljudska prava i izbjeglice Bosne i Hercegovine, Tihomir Knežiček, Dejan Piotrovski, Dragan Marković i Nedžad Jusić.

Predstavnik Ministarstva za ljudska prava i izbjeglice u BiH, Želimir Lalić, ukratko je informisao članove Vijeća o zaključcima koji su doneseni na Okruglom stolu, koji se održavao na Vlačiću a na temu Analiza i potreba izrade izmjena i dopuna Zakona o zaštiti prava pripadnika nacionalnih manjina iz 2003. godine.

Nakon rasprave Nedžad Jusić je, uz konstataciju da su sadašnja pravila široka te da se mogu i zloupotrijebiti, predložio da Vijeće u 2017. godini krene sa inicijativom za donošenje Prijedloga zakona o Vijeću nacionalnih manjina u BiH.

Članovi Vijeća su sa **14 glasova „za“ i jednim „uzdržanim“** glasom, donijeli odluku da se inicijativa razmatra na idućoj sjednici, tj da bude tačka dnevnog reda.

Ad.4. Razmatranje saradnje Vijeća nacionalnih manjina sa drugim institucijama u BiH;

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Nedžad Jusić, Dragan Marković, Jakob Finci, Silvija Vučurević, Velibor Kuvač i Mladen Radmilović.

Nakon diskusije i niza prijedloga kako poboljšati saradnju Vijeća nacionalnih manjina sa drugim institucijama u BiH, Vijeće je donijelo sljedeće zaključke:

- Zahtjeva se puno uvažavanje statusa Vijeća nacionalnih manjina, što bi dovelo do uključivanja Vijeća u aktivnosti koje sprovode druga državna tijela a kada se radi o pitanjima nacionalnih manjina;
- Inicijalni prijedlog da se press konferencije održavaju najmanje poslije svake druge sjednice Vijeća, zaključeno je da se press konferencija organizuje kad ima šta značajno da se saopšti javnosti o radu Vijeća;
- Da se sa Zajedničkom komisijom za administrativne poslove obavi razgovor vezano za poštivanje Odluke o novčanoj naknadi za rad u Vijeću kao i da se zatraži projekcija budžeta za 2017. koja se odnosi na Vijeće.

Ad. 5. Razno:

- **Informacija o objavljivanju konkursa za dodjelu grantova za udruženja nacionalnih manjina BiH**
- **Informacija o zatvaranju projekta Promocije ljudskih i manjinskih prava u jugo-istočnoj Evropi koji je finansiran od Vijeća Evrope.**

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. U raspravi su sudjelovali: Andrija Svatok, Nedžad Jusić, Tihomir Knežiček, Želimir Lalić, predstavnik Ministarstva za ljudska prava i izbjeglice Bosne i Hercegovine, Velibor Kuvać, Marija Grbić, Silvija Vujović, Dragan Marković i Mladen Radmilović.

Vijeće je **jednoglasno prihvatilo** Informaciju o objavljivanju konkursa za dodjelu grantova za udruženja nacionalnih manjina BiH i Informaciju o zatvaranju projekta Promocije ljudskih i manjinskih prava u jugo-istočnoj Evropi koji je finansiran od Vijeća Evrope.

Predsjedavajući Vijeća nacionalnih manjina BiH, Tihomir Knežiček, informisao je članove da je projekat Promocije ljudskih i manjinskih prava u jugo-istočnoj Evropi završen, te da će se tim povodom uputiti zahvalnica Vijeću Evrope.

Takođe, jednoglasno je odlučeno da se Austrijsko-Njemačka inicijativa prihvata ali da bude u skladu sa Poslovníkom o radu Vijeća nacionalnih manjina s obzirom da je dinamika održavanja sjednica definisana tim Poslovníkom.

Predsjedavajući Vijeća nacionalnih manjina BiH, Tihomir Knežiček, informisao je članove Vijeća da nema povratnu informaciju u vezi sa putovanjem u Češku Republiku kao i o tome da je objavljen novi Izvještaj o napretku BiH za 2015. godinu, a koji je značajan jer tretira i pitanja nacionalnih manjina.

Nedžad Jusić je naglasio da Vijeće treba biti aktivnije u svom djelovanju jer pored prava Vijeće ima i obaveze, a između ostalog članovi Vijeća treba da predlažu tačke dnevnog reda sjednica Vijeća.

Na kraju sjednice, Dragan Marković, pozvao je članove Vijeća da prisustvuju festivalu tolerancije koji će se održati u Doboju 16.11.2016. godine.

Sjednica Vijeća nacionalnih manjina BiH završena je u 14.30 sati.

Sastavni dio ovog zapisnika je tonski snimak 21. sjednice Vijeća nacionalnih manjina BiH.

Predsjedavajući Vijeća nacionalnih manjina BiH
prof. dr. Tihomir Knežiček